
B. N. C.
FIRENZE
1005
3

1005.3





XL.

FABR.

1055.3
BT

HISTORIAE SACRAE VINDICIAE

CONTRA
NONNVLLOS PICTORVM ERRORES.

AUCTORE
JOHANNE FABRICIO.

DEDICATE
AL MOLT' ILLVSTRE SIGNOR
GODOFREDO
SORER.

ALTORFI
EXCVBIT HENRICVS MEYER, VNIVERSIT. TYDGER.
A. C. MDC LXXXIV.



FABR.

Handwritten notes at the bottom of the page, including '1872' and 'FABR.'

Molt' Ill:re Sig:re mio Sig:re ed Amico singolar:mo

QUanta stima io habbia sempre mai fatta e delle Pitture, e de i Sig:ri Pittori, i quali con le delicatezzedel penello ò acquistarono, ò vanno acquistando l'immortalità di nome, niſſuno ſaprà meglio di V. S. Molt' Ill:re purchè voglia ricordarſi di quei diſcorſi, ch'io feci più d'una volta, quando hebbi l'honore di goder' à tauola la ſua ſoauiffima compagnia nella più nobile città d'Italia. Mà Ella ſteſſa, forzata dall'inſuperabile virtù della Verità, m'acconſentì anche, che ſpeſſe volte ſi truovano errori contro la Sagra Hiſtoria eziandio in quei quadri, doue per altro ſignoreggia e quaſi pompoſamente trionfa la divina arte della Pittura. Adunque non Le parerà ſtrano il veder dà me paleſata una piccola man di tali errori, e dedicata à Lei queſta mia operetta, poichè quello ſerue per mantenere la mia parola, e queſto deue eſſer certo e ſicuro pegno di quel grandiffimo affetto, ch'io Le ſempre hò portato, e porto ancora per amor delle Sue virtù ſingolari, per mezzo delle quali Ella ſi và meritando il titolo non meno d'Huomo garbatiſſimo, che di Pittor' eccellente. E Le bacio caramente le mani, augurandole dal Cielo ogni maggior contentezza. D'Altorſo li 25. d'Agòſto, l'anno 1684.

Di V. S. Molt' Ill:re

partial:mo e ſuiſcerat:mo ſerv:re

GIO: FABRICIO.

Q. D. B. V.

PRAELOQVIVM.



On mirum est, nobilissima ingenia, quin Principes etiam viros, ac Monarchas potentissimos picturis delectari, easq. in deliciis habere: Est enim ars pictoria omnium ingeniosissima, & propè (si ita loqui fas est) ad divinas operationes accedens. Nam sicut Deus, pro infinita sua & scientia & potentia, ex nihilo elegantissima maximeq. mirabilia produxit opera, ita Pictura, nudâ in tabellâ, quicquid lubet, efficit, representans purissimas astrorum scintillationes, varias lunæ facies, aureum solis jubar, miros meteororum lusus & stupendos cometarum habitus. Eadem & fulminibus armat cælum, & grandinem præcipitat, & nivem spargit, & pluviam effundit, & aëris serenitate spectantes oblectat. En porrò, quàm limpida formet aquas, quàm stridulos fontes, quàm leniter fluentia flumina, quàm multa animantium, quæ in aquis vivunt, genera! Ecquid in terra est, quod ipsa non pariter effingat? Jam floribus tellurem spargit, jam fructibus ditat, jam glacie constringit atq. involvit: Modò colles elevat, modò juga montium erigit, modò ambulacra ponit: Heic millenas animalium varietates promit, illic homines sistit, creaturas ad unam omnium nobilissimas, ad eò scitè & affabrè, ut iis præter vitam deesse nihil videatur. Ita omnia, quæ vel sunt, vel fuerunt, quid? etiam quæ futura sunt, tenui penicillo & paucillo coloris pro lubitu effrmat, oculiq. nostris, ad stuporem iug., subjicit, ut Creatoris Imitatricem haud fortassis immeritò dixeris. Imò etiam spiritalia illas substantias, quas Angelos appellamus, Deumq. ipsum Opt. Max. quæ se manifestavit in verbo suo, & Artificialia quoq., quorum itidem

infinitus est numerus, absq. temeritatis nota delineare audet. Sed, ut nihil est ab omni parte beatum, ita divina hæc Ars suos quoq. habet naves, dum sæpius contra Historiam non tantum profanam, sed etiam Sacram delinquit; quanquam id potius Artificibus, veritati rerum gestarum non satis semper intentis, quàm Arti ipsi tribuendum est. Nos & hanc & illos veneramur, quantum par est, & estimamus, sed magis tamen Veritatem. Cujus gratiâ dum aliquot circa Historiam Sacram errores, in excellentissimorum pictorum operibus à nobis observato indicamus, tantum abest, ut cordatiores nobis id vitio versuri, ut potius, plures ab aliis (sicut & ante nos factum est à Viris doctissimis) quò noverentur atq. manifestentur, d- sideraturi sint; modò fiat absq. sugillandi & cavillandi studio: quod à nobis sanè procul abesse jubemus.

Neg. est, quod quis statim heic in limine objiciat, nos hac ratione, ut proverbio dicitur, aërem verberare & cum larvis pugnare, eò quòd pictoribus atq. poetis quidlibet audendi semper aqua fuerit potestas; adeoq. (ut judiciosissimus THOMASIVS in Diss. de Fab. Poët. §. 7. insert) patiendum esse, ut pictores veris imaginibus vestes fictas, aut alia abs se excogitata ornamenta, quæ nihil tamen oculi significant, appingant; sive (ut doctissimus MOLANVS sentit lib. 2. de Hist. SS. Imag. c. 20.) in picturis multa rectissimè apponi, non significandi quidem causa, sed ad complementum & debitum ornamentum ipsius imaginis: Nam ut hæc libenter concedimus, ita exind. nondum probatum est, ferenda esse omnia pictorum ἀνατηματα, contra ipsius etiam Historia S. veritatem commissa; quibus ita stantibus pictura profectò non amplius Laicorum Biblia fuerint, sed deceptio, atq. sductio. Et quamvis pleriq., aut saltem aliquot pictores adeò dure sint cervicis, ut meliorem in hisce informationem admittere recusant, de quibus ita B. DILHERRVS noster T. 1. Dissp. p. 723. Quisquis pictorum nostrorum ruditatem voluerit corrigere, is profectò otium desperaverit omnino: adeò ineruditi sunt pleriq.;, adeò cognitionem
omnem

omnem antiquitatis turpiter abjecerunt: alii tamen etiam, siq;
 haud pauci, reperiuntur, quos æquus amavit Jupiter, quiq; meliora
 moniti, haud gravatim auscultant. Esto etiam, nos surdus narrare
 fabulam, omnesq; illos esse incorrigibiles, propterea tamen Historia
 Sacra veritas non erit nobis deferenda, sed potius cò acrius defendenda,
 quò turpius ab illis negligitur atq; contemnitur; ad eum modum, quo
 Verbi Divini præcones tantò magis instant pariter debortationibus
 atq; adhortationibus suis, quanto duriores ac perveraciores sese ex-
 hibere solent Auditores. Ne dicam, nos non tam pictoribus scribe-
 re, ut corrigantur, quàm studiose Juventuti, ne illorum picturis de-
 cipiatur. Sed, agite, ad rem ipsam accedamus.

I.

ADAM ET EVA.

Triplicem errorem errant pictorum nonnulli in Ada-
 mo repræsentando: 1. Cum ita eum delineant, quasi
 ipse manum extenderit ad fructum vetitum. 2. Cum
 eum & uxorem Evam de fructu illo adhuc comeden-
 tes proponunt obtectis genitalibus. 3. Dum iis post commis-
 sum peccatum, in statu miseriæ constitutis, unicum ficus fo-
 lium in manus dant, quo tegant pudenda. Nam quod pri-
 mum attinet, Scriptura dicit, mulierem viro dedisse edendum,
 Gen. III, 6. : לאישה עמה ויאכל i. e. & dedit etiam viro
 suo scum & (ipse) comedit. Deinde, quia antequam vetitum co-
 medendo fructum prævaricati essent, nihil pudendi in iis erat,
 non opus habebant tegumento membrorum, quæ ob pra-
 vam concupiscentiam inibi postea regnantem, pudenda dicta
 sunt. Idque etiam Moses testatur, descriptioni consummati
 jam à Protoplastis peccati hæc subjiciens v. 7. וחפרת עיני
 : שניהם וידעו כי עירמתם הם ויהפרו עלה חמנה ויגשו להם חגרות:
 i. e. Et aperuerunt sese oculi amborum, noveruntq; se nudos esse, & con-
 fusi

tutis foliū ficulneis fecerunt sibi subligacula. Quæ ultima verba pariter nobis inserviunt ad evertendum tertium errorē, indicantia, non uno, sed pluribus foliis, iisq; instar subligaculorum confutis, ad vestienda genitalia usos esse primos parentes, cætero corpore adhuc nudos, sicut & hodie Brasiliiani incedere solent. Quanquam, quod ad secundum attinet, culpa careant pictores, si honestatis causa partibus pudendis folium induant, spectantes non tam facti veritatem, quàm quod maximè conveniat moribus nostris.

II.

ISMAËL.

Ismaëlem unà cum matre è domo paterna ejectum, consumptà verò aquà, præ siti jamjam moriturū solent nobis exhibere pictores in forma pusionis seu infantis; sed (quod pace ipsorum dicere liceat) minus rectè. Nec enim verba Gen. XXI, 14. וישכם אברהם בנקר ויקח- לחם וחם מים ויחן אל- ה' שם על- שכמה ואח-הילר : *i. e. Et surrexit Abraham summo mane, & tulit panem & utrem aquæ, & dedit Hagara, posuit super humerum ejus, & puerum,* ita sunt intelligenda, ac si, ut alimentata, ita & Ismaëlem, eò quod infantulus esset, qui ambulare non sustineret, humeris matris imposuisset Abrahamus, sed quòd ei dederit, seu unà cum illà exte jussisset filium quoque. Ut adeò voces duæ & *puerum* construi debeant, vel cum verbo *dedit*, ceu Nostrates sentiunt, vel cum verbo *tulit*, ut *Vatablo* placet in versione istius loci. Quare & reliqua, quæ habentur v. 15. : וישלך אח-הילר : *i. e. Et projecit puerum,* & v. 18. קום! שאי אח-הנער וחחויקי אח-ידך בו : *i. e. Surge, tolle puerum,* & *apprehende manu tuâ ipsum,* non hunc habent sensum, quasi derelicta Hagar filium ab humeris abjecerit, eundemq; mox ab Angelo edocta in ulnas receperit portaveritq; sed, quòd eum, qui præ siti & ardore progredi amplius non poterat, atque

atque inde jam febris laborare cœperat, reliquerit sub arbore quadam, ut saltem sub umbrâ ejus placidiùs moreretur, eundemque, mox læto angeli nuncio erecta, manu apprehenderit, duxeritque, uti ambulantes facere solent, in primis quando alter ex lingua ore debilis est. Et illo sanè tempore jam natu grandior erat Ismaël. Erat enim facilè octodecim annorum, si Isaac anno quin o ablaçtatus est, vel sedecim, si tertio, ut observat S. AVGVSTINVS q. 53. in Gen. Neque videmus, qua ratione tantum ei delictum, quod ipsi justissimo Numini dignum exilio visum, tribui possit, si adhuc in infantum, inter bonum & malum discernere non valentium, numero fuisset: Etenim eo ipse die, quo Sara Isaacum ablaçtabat, ipsa Ismaëlem vidit *præto irradientem*: v. 9. Quod sive de substantiatione eorum, qui Abrahamo, quod ei in senectute Dominus dederit filium, gratulabantur; sive de lasciviæ & petulantia lusu; sive de altercatione cum Isaaco ob hæreditatem cœptâ; sive de irrisione, quâ contemptum habuit pietatem Isaaci; sive denique de persecutione, quâ probum fraterculum excepit, intelligas, indicio est, eum jam satis rationis usum habuisse, atque ad rō nuces, quod ajunt, reliquisse.

III.

TABULÆ MOSIS.

Qui præ cæteris accurati esse cupiunt pictores, Mosi non tantum tabulas Decalogi tribuunt, sed ipsum etiam Decalogum hebraicis characteribus in tabulis illis pingunt, & quidem in anterioribus earum faciebus, ita ut in alterâ præcepta Dei cultum exigentia, in alterâ verò reliqua, quæ officium erga proximum præscribunt, sese offerant. Quamvis verò de hoc, quot præcepta in uniusquaque tabula fuerint insculpta, tacente Scriptura, nihil certi afferre liceat, de eo tamen, quod tabulæ illæ ex utraq; parte fuerint scriptæ, vix dubitare possu-

possumus, cum Moses dicat Exod. XXXII, 15. quodd sibi in manu fuerint : לח כתיבם משני עבריהם סנה וסנה הם כתיבם i. e. *tabula scripta. à duobus lateribus suis, hinc & inde scripta erant.* Nam si nihil aliud dicere voluisset Moses, quàm hoc, singulas tabulas in altero duntaxat latere scriptas fuisse, quid opus fuisset additione horum verborum, *à duobus lateribus suis, hinc & inde scripta erant* ? Illud enim, quodd tantum interiores earum facies scripturam continuerint, vel è duabus vocibus לח כתיבם *tabula scripta*, satis jam superq; constare potuisset. In eandem sententiam eunt varia doctrina insignes Viri PAVLVS FAGIVS & CORNEL. JANSENIUS Comm. in h. l. ita quidem, ut hic existimet, sibi etiam favere Fl. Josephum l. 3. Ant. Jud. c. 4. Si (ut ait) *Græca attendantur.* Sed (quod pace ejus dixerim) fallitur ; Græca enim hæc sunt : καὶ λόγων, ὅς Μωϋσῆς ἐν ταῖς δύο πλάκῃν γράμμινους κατέλιπον. i. e. *& verba sive præcepta, quæ Moses duabus tabulis inscripta reliquit.* Ac paullo pòst: ταῦτ' εἰπὼν δύο πλάκας αὐτῷς ἐπιθήκυσεν, ἑγγράμμινους ἐχούσας τὰς δέκα λόγους. i. e. *His dictis profert duas tabulas, continententes decem præcepta inscripta.* In quibus profectò ne γὰρ quidem de eo, utramq; utriusq; tabulæ columnam scripturâ repletam fuisse. Sed neque etiam opus est nobis suffragio Josephi, quum, præter allatam rationem, etiam S. Codicis Interpretes in sententia nostra satis nos confirmet : LXX. πλάκες λίθιναι καταγεγραμμέναι ἐξ ἀμφοτέρων τῶν μερῶν αὐτῶν, ἔστιν καὶ ἔστιν ἥσαν καταγεγραμμέναι. ONKELOS Chaldæus, ex versione Fagii : *tabula scripta in duabus superficibus suis, hinc & hinc erant scripta.* LUTHERVS : Die waren geschriben auf beyden Seiten. VATABLVS : *tabula scripta ex utroq; latere earum, hinc & inde erant scripta.* PISCATOR : Die waren beschriben auf beyden Seiten / hie und dort waren sie beschriben. BELGICVS : Dese tafelen waren op hare beyde zyden beschreven, sy waren op d' eene, ende op d' ander zyde beschreven. Et ANGLICANVS : The tables were written on both their sides ; on the

one side and on the other were they written. Omnes enim isti ad eum modum, quo nos, videntur intellexisse sacrum fontem, nimirum non tantum intus, sed etiam foris, seu in utraque tabularum facie verba Decalogi fuisse exarata. Salva tamen aliorum, quibus aliter videtur, auctoritate propositum hoc volumus.

IV.

SERPENTES IGNITI.

Num. XXI, 6. legimus, Deum rebellibus, & non minus contra se, quam Mosen murmurantibus Israelitis immisisse *החשים השרפים* i. e. *serpentes ignitos*, qui morsibus suis magnæ populi multitudini necem intulerint. Eos itaq; colore igneo exhibent pictores. Sed scire debebant, *ignitos* dici, non à colore, sed *ab effectu*, quod morsu inducerent colorem quendam *intensissimum in carnem affectum veneno illorum*, ut VATAELUS annotat ad h. l. Cum quo consentiunt Münsterus, Clarius, Grotius, aliiq; Viri docti. Erant scilicet presteres, quorum aliqui, non nego, rubei igneive sunt coloris, sed non omnes. De tali Lucanus lib. 9.

Oraq; distendens avidus spumantia prester.

V.

UVA MAGNA CANANÆA.

Exploratores ad Dei mandatum à Mose in terram Canaan missi, cum pervenissent in vallem, qui postea à præstantia uvarum, quas produxit, vocatus fuit *Escol*, præcepti Mosaiici memores exciderunt botrum prægrandem, eumq; palanga suspensum portaverunt bini. Idque pictorum penicillus rectè exprimit, quin melius quam nonnulli Rabbiorum, qui quatuor vestes, unde pependerit racemus, & sub iis octo bajulos finxere: (de quibus videatur à *מנו* WAGENSEILVS noster

in Sorâ p. 707.) Sed in eo vel deficit, quod unâ cum racemo non exhibet palmitem; vel excedit, quod veſti præter botrum appendit & malogranata & ficus ejusdem terræ, cum tamen Moſes ita ſcribat Num. XIII, 2. ויבאו עד-נחל אשכול ויכרתו משם זמורה ואשכול ענבים אחר וישארו במוט בשנים ומן-הרמנים ומן-החאניט: i. e. *Et venerunt usque ad vallem Eſcol, & exciderunt inde ramum & botrum uvæ unum, & portaverunt illum veſte in duobus: & de malogranatis & de ficibus.* En botrum non nudum, ſed juxta cum illo exciſum ramum ſeu ſermen- tum vel palmitem foliis ſuis inſtructum, nimirum ut hac ratione facilius è veſte appenſus portaretur, & adſpectui eſſet grator. Reliquos fructus exciſos quidem cum uva, diſcitur, ſed juxta eam appenſos, non item.

VI.

SIMSON.

Nobiliffimi cujuſdam pictoris manus artificioſiſſima, tragœdiam Simſonis fortiſſimi Hebræorum repræſentatura, pro ſtrato vel ſella ei tribuit nudam terram, pro cervicali ſinum amafiæ Delilæ, datâ huic in manum novaculâ, qua capillos ejus abraſerit. Verùm, quod ultimum hoc at- tinet, contrarium videtur teſtari Hiſtoria ſacra. Sic enim legimus Jud. XVI, 19. ותישנהו על-ברכיה ותקרא לאש וחלה. i. e. *Et dormire fecit eum ſuper genua ſua, & vocavitq. virum, & radi ſecit ſeptem cincinnos capitis ejus.* איש autem ſive vir erat tonſor, docente Vatablo; quid? iſtis LXX. Interpretibus, qui verba illa: *Et vocavit virum*, ſic reddunt: καὶ ἐκάλεσε τὸν κερταί. i. e. *& vocavit tonſorem.* Atq; hos & ὁ δα ſequitur Vulgatus. Eodem ſenſu Lutherus: Und ſie ließ ihn entſchlaffen auf ihrem Schoß/ und rieß einem/ der ihm die ſieben Locken ſeines Hauptes abſchore. Et Anglicana Verſio: *And ſhe called for a man, and ſhe cauſed him to ſhave off the ſeven locks of*

of his head. Unde clarum est, ipsam vices tonsoris non obiisse. Equidem non ignota est nobis doctissimi DRUSII annotatio: *Rasit per tonsorem i. e. radi curavit. Nam est verbum femininum. Aut ipsa hoc fecit, sumens novaculam à tonsore. Aut radi fecit; ut sit verbum transiens in tertiam.* Cum quo etiam facit SCHINDLERVS in voce גלח. Sed foeminæ artis radendi procul dubio imperitæ novaculam tradere, vel à pictore traditam relinquere non audemus: præsertim quum nihil frequentius sit cum in Scripturâ sacrâ, tum in vulgari sermone, quàm ut, quod quis per alium facit, id ipse fecisse dicatur. Quod situm attinet, sedensne in terrâ, reclinato in sinum Glycerii sui capite, an potius cubans in lecto ante genua illius ponendus sic miser amator, in medio relinquimus: utrumque enim intelligi potest verbis ante citatis: על - ברכתי i. e. & dormire eum fecit super genua sua.

VII.

SUSANNAE AMASII.

Si Apellis filiis credimus, duo illi viri, qui libidine erga Susannam accensi, pudicitiae ejus vim inferre attentabant, extremæ erant ætatis, canî, tremuli, calvi, oculisque senio ita infirmis, ut perspicillis eos armare necesse haberent, atque, ut uno verbo me expediam, silicerniis quàm viris similiore. Equidem tanto gravior fuisset eorum delictum, si in summa senectute amor operam dare non erubuissent: quum nihil sit inconvenientius, quàm si nivei capilli libidinis æstu flagrent, & frigida emortuaque membra pruritui amoris exponantur. Sed unde id probabitur? an ex eo, quod Dan. XIII, 5. *πρεσβύτεροι* Seniores vocantur? Veruntamen quis nescit, Senectutem quandoque Sapientiae nomen habere, quia in senioribus non semper ætas, sed prudentia respicitur, & *πρεσβύτερος* appellari, 1. in genere, ætate provectiores. 2. in specie, gubernatores

alicujus populi ? Et quod vox *πρεσβυτέρων* l. c. huc restringenda sit, ostendunt verba consequentia, quando dicitur, eos fuisse isto anno Judices constitutos : *καὶ ἀπεδείχθησαν δύο πρεσβύτεροι ἐκ τοῦ λαοῦ κραταὶ ἐν τῷ ἐνιαυτῷ ἐκείνῳ*, i. e. *Et designati sunt duo seniores ex populo, judices in illo anno.* De iisdem dicitur, quod, dimittente puellas suas, solaquē rēmanente in horto Susanna, *ἐπιδραμών αὐτῇ* *incurrerint in eam*, v. 19. & de eorum altero, quod, fortiter constanterq; arcem castitatis defendente illā, *δραμών* *currens* v. 25. aperuerit portas horti. Quo autem modo ita currere sustinuisent, si valde fuissent senes, languidi, exfucci, decrepiti, & de ponte dejiciendi ? Pingantur itaque forma virili, si placet, aut senili, sed eā, quæ aliquid virium adhuc habeat, nec historiæ è diametro repugnet. Si tamen historia illa non fabulam sapit. Evolve omnino celeberrimi, omniumq; (ut ipse ex vero scribit) cum intra, tum extra Imperium Romanum Protestantium Theologorum jam *πρεσβυτέρων*, D. CALOVII Biblia Illustrata, & quidem Vet. Test. Tom. III. p. 183.

VIII.

JESUS INFANS.

Locum, in quo Jesus à Magis adoratus, repræsentaturi pictores, stabulum fingunt, existimantes, in eodem, ubi natus, cultum quoque præmiisq; mactatum fuisse. Atque ita quidem sentiunt ex doctis etiam haud pauci; nec desunt Antiquitatis testimonia. Sed quibus Scriptura potior est, aliter statuendum erit, nimirum præstitam esse illam adorationem in domo, quæ erat in vico Bethlehem, atque, ut videtur, illud ipsum diversorium, cujus meminit Lucas II, 7. *Nam confectâ descriptione, & hospitio, quod occupatum erat, discessione turbarum vacuefacto, probabile admodum est, Josephum & Mariam, relicto stabulo, ad illud se atque infantem transulisse*, sunt verba doctissimi CASAVBONI Exerc. II. ad Annal. Card. Baronii p. 148.

Scri.

Scriptura enim domus meminit, non stabuli, inque illam, non hoc ait intrasse Magos, Matth. II, 11. Καὶ ἐλθόντες εἰς τὴν οἰκίαν. i. e. *Et intrantes in domum.*

IX.

JESUS XII. ANNORUM.

Parentibus Jesu à festo Paschatos domum remeantibus, ipse remansit, atque repertus tandem ab iis fuit in loco quodam templi, ad docendam legem ac disputandum deputato, & quidem sedens inter Doctores, quos audiebat & interrogabat, sive, ut Græca habent Luc. II, 46. καθίζουσαν ἐν μέσῳ τῶν διδασκάλων καὶ ἀκούων αὐτῶν, καὶ ἐπερωτῶν αὐτοὺς. Quid jam inde pictores? Cathedram struunt altiore, in eâ puerum collocant Jesum, eumque docentem, ab ore ejus dependentibus & humi confidentibus Rabbinis. Sed hæc omnia præter Scripturam. Illa enim non dicit, eum occupasse locum Doctōris, sive suggestum, sed *sedisse in medio Doctōrum* h. e. inter Doctores, hinc inde in subselliis altioribus, fortassis juxta parietes positis, confidentes; nec docuisse, sed pro ratione illius ætatis, *audivisse* docentes, & *interrogasse*, h. e. quæstiones ex iis, quæ tradiderunt, excitasse, ut videlicet, qui eos docturus esset, servatâ decentiâ discere velle videretur. Quanquam & hoc certum est ex v. 47. ita Jesum discipuli personam egisse, ut, dum interrogatus respondebat, magnos illos Magistros multa doceret, atque adedò præludium quoddam officii sui faceret. Unde etiam factum, ut ipsi non admirabundi eum audirent, sed *obstupefcentes*, & quasi extra se rapti. Utrumque animadvertens GREGORIUS M. 3. parte Pastoralis cap. 26. *Vigilanti*, inquit, *consideratione pensandum est, quod, cum Jesus annorum XII. dicitur in medio Doctōrum sedens, non docens, sed interrogans invenitur. Quo exemplo scilicet ostenditur, ne infirmus docere quis audeat, si ille puer doceri interrogando voluit, qui per Divi-*
nita-

nitatis potentiam verbum scientia ipsis suis Doctoribus ministravit. Similiter BEDA in cap. II. Lucæ: *Quasi fons sapientia Doctorum medius sedet, sed quasi exemplar humilitatis, audire prius & interrogare Doctores, quàm instruere querit indoctos.* Ne etenim parvuli à senioribus erubescant discere, & ipse, ob atatis humane congruentiam, hominibus auscultare non erubescit Deus. Ne infirmus docere quis audeat, & ille puer doceri interrogando voluit, qui per Divinitatis potentiam, verbum scientia ipsis suis doctoribus ministravit.

X.

JESUS BAPTIZATUS.

Miserè decipiuntur, qui picturis credentes, Jesum ita baptizatum fuisse existimant, ut Johannes in litore stans illius capiti inclinato, vix genua attingentibus aquis Jordani, pauxillum aquæ vel adasperferit, vel ex vase seu phialâ affuderit. Etenim βαπτίζω propriè & κυρίως significat *mergere*; quo modo explicatur in Glossis vett. in operum quorundam Cyrilli calce inventis, atque ab Henrico Stephano primum, deinde B. Vulcanio editis. Ubi & βαπτίζω, *tingo*, βαπτίζω, *tingens* exponuntur. Hinc & B. LUTHERVS in Serm. von der Tauffe/A. 15 19. habito, Tom. I. Jen. Germ. pag. 183. Die Tauffe heißet auf Griechisch Baptismus, zu Latin Mersio, das ist / wann man etwas ganz ins Wasser tauchet/ das über ihm zusammen gehet -- denn auch ohne Zweifel in teutscher Zungen/das Wörtlein Tauffe herkommt / von dem Wort Tieffe / daß man tieff ins Wasser senket / was man tauffet. Das fordert auch die Bedeutung der Tauffe / denn sie bedeutet / daß der alte Mensch und sündliche Geburt von Fleisch und Blut / soll ganz ersäufft werden. Jam verò de Johanne expressè dicit Scriptura, quod baptizárit, i. e. immerferit, Matth. III, 6. καὶ ἐβαπτίσθη ἐν τῇ ἰσραὴλ i. e. & baptizabatur in Jordane. Nec non v. 16. καὶ βαπτισθεὶς ὁ ἰησοῦς, ἀ. ἐκ τοῦ ὕδατος i. e. Et baptizatus Jesus ascendit statim de aquâ.

Si

Si ascendit, oportet eum etiam descendisse in aquam. Item Joh. III, 23. dicitur, Johannem baptizasse in Ænon juxta Samariam, additurque ratio, quæ ostendat, immersionem ibi fieri potuisse : οτι υδατα πολλὰ ἦν ἐκεῖ, i. e. quia aque multæ erant illic. Totus itaque Jesus, isque nudus, merus fuit à Johanne, adeoque oportuit hunc descendere in flumen; sicut Act. VIII, 38. dicitur *uterq; descendisse in aquam & Philippus & Eunuchus*. Vide de his prolixius differentem Gerh. Joh. Vossium Dissp. de Baptismo p. 31. & seqq. Semper autem baptismum merlione vel peractum esse, vel peragi debere, è dictis legitime inferri non potest.

XI.

DIABOLUS TENTATOR.

Matth. IV. describitur, quomodo ο̃ μισα̃ς τὸν τεντατορ, ille scilicet, cujus officium est tentare, quem aliàs à calumniandi studio *Diabolus*, & ab hostili erga nos animo *Satanam* appellare solemus, accefferit in deserto ad Christum esurientem, & variis modis tentaverit eum seducere. Ubi equidem, quam formam assumeret, nihil extat scriptum. Interim pictores potestatem quidlibet audendi sibi vindicantes, caput ei imponunt hircinum, aures assuunt asininas, brachia harpyjarum unguibus armant, pedes supponunt caprinos, in locum plantarum substituunt iterum ungues rapacis alicujus volucris, tergo caudam appendunt modò breviorē modò longiorē, & totum corpus vestiunt villis hirsutis. Quid multis? adeò dirà eum sistunt formà, ut diriorē, ne quidem si vellet, induere vix posset ipse diabolus. Judicent eruditiores, an non satius esset, si eum, heic quidem, pingerent sub humano schemate. Dicitur enim *acceffisse & loquutus esse*. Certè JANSENIUS, magni Nostratium Theologi judicis, scriptor non minùs eruditus quàm modestus, ad Matth. IV, 3. ita commentatur : *Accesfisse*
cor-

corporeâ formâ, eâq. humanâ, suadent tum verbum accedendi, tum illa cum Christo colloquia. Cui consona sunt, quæ habet RAVP. PIVS: *Qua autem, inquit, forma indutus jam apparuerit, qui scire possumus? Granatensis dicit, Cajetanum ex accessu collegisse, Daemonem ad Christum venisse in forma Religiosi viri, sed incertum hoc est: dicere tamen ex textu possumus, in deserto Satanam apparuisse sub larva mendici, in monte sub larva potentissimi Monarchæ, in pinnaculo autem templi in specie devoti Theologastri.*

XII.

HYDRIÆ IN CANA GALILEÆ.

Nuptias Canæ Galileæ, quibus unâ cum Matre virgine interfuit Christus ipse, ut nuptias sanctificaret, primumque patraret miraculum, commutando aquam in vinum, admirabiliter quidem vel à summis artis pictoriæ Magistris depictas videas, sed qui ἐξ ἰδίων aliquid addiderint, pro hydriis substituendo urceos portatiles: quasi, ut Christus omnipotenti virtute ex aquâ fecit vinum, ita ipsis ex vasis majoribus & spatiofis minora & angusta facere liceat. Agite verò, ingeniosissimæ artis Decora, audiamus, utrum Johannes vobiscum sentiat nec ne. Is Cap. II. Evangelii sui vers. 6. ita scribit: Ἦσαν δὲ ἐκτὶ ὑδρίας λίθιναι ἐξ κείμεναι κτ' πρὸς καθαρσµὲν τῶν Ἰουδαίων, χωρεῖν αὐτὰς μετρητὴς δύο ἢ τρεῖς. i. e. Erant ibi hydrie sex posite secundum purificationem Judæorum, capientes singule metretas binas vel ternas. Metreta, quæ alio nomine Cadus dicitur, est mensura congiorum decem, ut docet BVDÆVS l. 5. de Assæ. Decem autem congii (quod è ZEGERO incomparabilem Budæum secuto annotare liceat) LX. sextarios valent; id est amphoram & quadrantem. Porrò amphora vas est tesserarium intus quoquo versupedale. Juxta quam æstimationem qualibet hydria binas amphoras cum semisse, aut quaternas minus uno quadrante continebat.

Tanta

Tanta igitur capacitas hydrarum indicio est, eas non fuisse urceos portatiles, sed canales, seu aquales vel lacus, unde deprompta aqua vasis minoribus adferretur ad purgandum subinde non manus tantum, sed etiam calices, juxta ritum purificationis Judæis usitatæ; de quâ Marc. VII, 3. 4. Lavabant enim se Judæi sæpè, non tam ad abstergendas immunditias legales, quæ etiam lotis durabant ferè usque ad vesperam, quàm ex traditionibus pharisaicis. Adde, quod hydræ nostræ in loco publico & convivii nuptialibus, ubi pro magno hominum confluxu multis aquis opus erat, destinato sitæ fuisse videantur. Unde novum contra pictores argumentum exurgit. Atque hanc duplicem rationem observat accuratissimus noster REINHARTVS, in Monitis Evangelicis ad Dom. II. post F. Epiphan. §. 5.

XIII. HERODIADIS FILIA SALTATRIX.

Filiam Herodiadis, quæ relicto Philippo, cum ejus fratre Herode Antipa in turpissimo ac nefando conjugio vixit, hoc ipso natalitia celebrante, saltasse in medio coram omnibus accumbentibus, tripudiando & lascivas exhibendo gesticulationes ad modos musicos, rectè oculis proponitur ab illis, qui penicillum tractant; sed minus rectè, nisi toti fallimur, quod ætatem & sinum perfectæ viraginis ei tribuunt. Vocatur enim κορδαίον i. e. puella Marc. VI, 28. Sed & alium heic errorem notasse juvat, quod nimirum saltatriculam effingunt caput Johannis in triclinium afferentem, quum tamen illud attulerit speculator, allatumque puellæ dederit vel temulentus Tetrarcha, vel ejus jussu satelles ille, ipsa verò tandem matri. Ita namque refert Matth. XIV, 11. Καὶ ἤνεχθη ἡ κεφαλὴ αὐτοῦ ἐπὶ πιάτῃ, καὶ ἔδοθη τῷ κορδαίῳ· καὶ ἤνεγκε τῇ μητρὶ αὐτῆς, i. e. *Et allatum ejus caput in disco, & datum est puella, & attulit*

In Cœna illa paschali magna, quam Christus cum discipulis suis paulo ante obitum suum celebravit, & in qua sacramentum Eucharistiæ instituit, Christus ejusq; discipuli communiter pinguntur sedentes, æquè ut nos hodiè in convivii mensæ assidemus; sed huic errori Scriptura reclamât, & mos veterum Hebræorum. Scriptura quidem, dum eos mensæ *accubuisse* refert, Matth. XXVI, 20. Marc. XIV, 18. Luc. XXII, 14. Quorum illi id per *ἀνακλίνου* exprimunt, hic aliquantò significantius per *ἀνατίθαι*. Mos autem Judæorum (ceu præter alios docet humana & divina literatura instructissimus SAVBERTVS noster in Palæstrâ Theologico-Philologicâ p. 80. & 281.) hic erat, ut accubitus in paschate necessariò observaretur: Et modus accumbenditalis, ut unusquisq; super unicum lectulum in latus sinistrum recumberet, pedibus terram attingentibus. Si verò plures convivæ essent, fiebat iste accubitus in circuitu, eo ordine, ut cum duo lectuli essent, omnium dignissimus occuparet locum supremum, alter verò inferiorem ab eo, ad dextrum scilicet latus, seu in sinu dignissimi. Si tres essent lectuli, omnium dignissimus occuparet lectum medium, alter ab eo lectum superius positum, juxta cervical dignioris, tertius autem lectum infra eum, juxta stragulas pedum ejus, & cum hoc dignior omnium commodissimè poterat loqui. Jam secundum hunc morem probabile est, Petrum vel Jacobum à latere Christi sinistro, Johannem à dextro, sive illum pone, hunc ante Christum accubuisse.

XV. JU-

XV.

JUDAS ISCARIOTES.

Circumstantiam aliquam illius coenæ exprimere conatur pictorum gens, quando Christum & Judam proditorem pariter in eundem catinum offam intingentes nobis proponit, quia scilicet turbatis discipulis, quod dixisset, unum inter ipsos sese proditurum, & sciscitantibus, quisnam ille esset, responderit Christus: *Qui intingit mecum in catino, is me prodet.* Matth. XXVI, 23. Sed quum dubius sit horum verborum sensus, facile fit, ut pictores vel errent, vel incerti quid repræsentent. Annon placeat ZEGERI sententia, cui adstipulantur BERTRAMVS, ERASMVS, BEZA, PISCATOR, & alii? eamq; transcribere haud pigrabor: *Etiam si sciscus habeat communis interpretum sententia, mihi tamen videtur hoc Christus in genere tantum dixisse; quod significaret, proditorem illum, non modo unum esse ex XII, ut indicâret, verum etiam eandem sciscum uti mensâ, atq; adeo in idem jus intingere manum, quod arctissima erat familiaritas: alioquin enim exemplum dedisse videri possit prodendi inimici.* Certè nostra sententia adstipulatur editio Græca, ubi propter ἰσκαριώτας, præteriti videlicet temporis vocem, manifestior etiam relinquitur de personâ dubitatio & incertitudo. Adstipulatur etiam, quod ipse Judas postea sciscitatus sit à Christo: Numquid ego sum, Rabbi? quodq; eidem Christus ambigüe responderit: Tu dixisti. Proinde, meo judicio, nulli discipulorum apertè demonstravit, quis ipsum esset traditurum, præterquam Johanni, cui secretè percontanti, ut habes in ipsius Evangelio XIII, 25, 26. etiam secretè responsum fuisse puto: *Ille est, cui ego intinctum panem porrexero.*

XVI.

I D E M.

Quod autem proditor ille ex desperatione miserrimè vitam finierit, sacræ paginæ referunt. Ubi rursus pictores, pro-

procul dubio istam versionem, Act. I, 18. *Et suspensus crepuit medius, & diffusa sunt omnia viscera ejus*, secuti, vereor ne impingant, quando hominem rupto ventre, & prominentibus visceribus, sed qui adhuc suspensus sit ad arborem, oculis subjiciunt: Nam in fonte ita legimus: καὶ πρηνὲς γένετο ἐλάκῃσι μέσος, καὶ ἐξήχθη πάντα τὰ ἀνάγκη αὐτοῦ, i. e. *Et praeceps factus crepuit medius, & diffusa sunt omnia viscera ejus*. Cum quo loco conferendus ille apud Matth. XXVII, 5. καὶ ἀπλῶς, ἀπὸ γάλακτος, i. e. *Et abiens, se strangulavit*, sive, *suspendit laqueo*. Unde doctissimus CASAVBONVS Exerc. XVI. ad Annal. Baronii colligit, eum, cum cervicem laqueo immisisset, se ipsum ita pendentem validè impulsisse, ut eò citius constrictis faucibus & fracto collo expiraret, sed violentissimo illo motu disruptum fortè esse laqueum, atque ita proditorem πρηνὲς seu in faciem humi dejectum, vel ad saxum asperum, vel ad lignum acutum, quo ventrem fauciarit & diruperit, atque ita sua effuderit viscera, impegisse, aut aliàs Dei judicio ventrem ei fissum. Alii verò (eruditissimi cujusdam Viri verbis utor) Judam suspendio periisse pernegant, vocem γὰρ ἀνάγκη de πῶτος ἀνάγκη accipiunt, quo genere morbi qui laborant, obstructo spiritus meatu, medii dissilire, & maximo cum crepitu mori solent. Sic Dan. Heinsius in Exercit. Sacr. & Lud. de Dieu sentiunt: quibus adde Buxtorfium in Lexico Talmudico in voce אַבְכָּרָא i. e. angina, à qua nonnulli Judam τοξοειδὲς dictum credunt. Vd. Lightfoot ad Matth. X, 4. Sic ἀνάγκη & 2. Sam. XVII, 23. Tob. III, 10. juxta Heinsium accipitur. Vosius etiam in Harmon. Passion. p. 216. vocem hanc, de suffocatione, qua fit ex marore, apud Elianum l. 5. Var. Hist. cap. 2. occurrere annotat. Refutatà autem horum sententià, priorem, quam è Casaubono adduximus, amplectitur approbatque laudatus D. CALOVIVS in Bibl. Illustr. ad Matth. XXVII, 5.

XVII.

S. JOHANNES ET TRES
MULIERES.

Quid frequentius, quàm ut præ cæteris dilectus discipulus, S. Johannes, & Maria, mater Domini, sub cruce ejus ponantur, quasi eam potuissent attingere, & versus eam plagem, quò crucifixus prospiciebat, facies & ipsi suas vertissent? Et sanè testatur Johannes c. XIX, 25. de se ipso & tribus mulieribus, nempe Maria matre Jesu & illius sorore Maria Cleophae uxore, & Maria Magdalena, quod steterint *ὡς ἐπὶ τῇ σταυρῷ* *juxta crucem*; sed Marcus XV, 40. & Lucas XXIII, 49. *μακρὴν* *de longe*, omnes ejus notos, ut & mulieres, quæ eum à Galilæa secutæ sint, *μακρὴν* *procul* stetisse ajunt. Quæ testimonia S. AUGUSTINVS l. 3. de Consensu Evangel. c. 21. conciliaturus, affirmat dici posse, & longè à cruce, & juxta crucem fuisse. Longè, si conferantur ad milites & satellites, qui tam propè erant, ut crucem tangerent: Juxta verò, quia vocem Christi facile potuerint exaudire, ob vicinitatem, quod non potuerint turbæ, quæ longissimè aberant. Quam collationem nec BELLARMINVS improbat de VII. Verb. Dom. l. 1. c. 8. Nota autem *ὡς ἐπὶ τῇ σταυρῷ*, matrem Domini, dum filius in cruce penderet, non deliquio cecidisse, sed viriliter stetisse. *Stabat enim*, inquit AMBROSIVS in Institut. Virg. c. 7. *ante crucem mater, & fugientibus viri stabat intrepida. Spectabat pius oculis filii vulnera, per quem sciebat omnibus futuram redemptionem. Stabat non degeneri mater spectaculo, quæ non metueret peremptorem.*

XIIX.

S. PETRVS.

Duplex pictorum error est, quod S. Petrum tempore resurrectionis Christi senem pingunt, mortemque ejus expriment affixione ad crucem: Cum tamen Christus resuscitatus

ei senectutem, tanquam futuram, & talem mortem, quā funibus in cruce ligandus esset, prædixerit. Prophetia hæc extat Joh. XXI, 18. quam heic unā cum JANSENI commentario exhibere placet: *Amen, amen dico tibi, cum esses junior ætate, cingebas te & ambulabas, ubi volebas, expeditus videlicet ac liber: cum autem senueris, quo Græci observant significari cum tunc fuisse mediæ ætatis, prout etiam ex annis, quibus supervixit, colligitur. extends manus tuas, in crucem, hoc est, crucifigeris, inquit August. & alius te cinget, id est, cingulis cruci adstringet. Tunc enim Petrus ab alio cingitur, cum cruci adstringitur, inquit Tertull. in fine Scorpiaci. Quo indicare videtur, magis funibus in cruce suspensum, quàm clavis affixum fuisse.*

XIX.

S. STEPHANVS.

Agite, pictores, liceat bona cum pace vestra, unicum addere, quo huic opellæ colophonem imponamus. S. Stephani protomartyris lapidationem artificiosè quidem pingere soletis, sed quantum veri habeat illud, quodd genibus innixō, manus relinquitis liberas, & cœlum versus extensas, lapidumq; solū à turba in sanctū caput projectorū fuscā procellā, absque testium expressione, nobis exhibetis, statim patebit, si & Scripturam, & Antiquitatem, quæ morem lapidationis apud Hebræos usitatum, quasi ad vivum delineat, inspicere & observare haud gravati fueritis. Scriptura cerè Stephanum tam à testibus, quàm à populo lapidatum fuisse Innuat Act. VII, 58. 59. Quamvis enim ista per tumultum acta sint, & quidem violatā Præsidis provinciæ auctoritate, non tamen populus tantū, sed & testes exsequi voluerunt lapidationem, sine dubio ut actionis, juxta legem divinam, quæ Deut. XVII, 7. extat, observatæ speciem ei inducerent. Quibus verò ritibus aliās peracta sit lapidatio, & qui-

quinam huic supplicio subiecti, optimè omnium docet FAGIVS ad Ex. XXI, 16. *Hebræi sic tradunt: Quatuor mortes traditæ fuerunt Consistorio, Lapidatio, Combustio, Decollatio & Strangulatio. Decem & octo genera hominum ex Lege lapidatione puniebantur; videlicet qui rem habebat cum matre, vel cum uxore patris; vel cum nuru; vel cum virgine desponsata, vel cum masculo, vel cum jumento. Mulier item prostituens se jumento, blasphemus, idololatra; qui de semine suo Moloch offerebat; pythonicus, ariolator, violator sabbati; maledicens patri, aut matri; incitans, & impellens ad idololatriam; prestigiator; atque filius protervus, & rebellis. Locus lapidationis extra Consistorium fuit, juxta id, quod dicitur: Educ blasphemum &c. Unus autem aliquis stabat ad ostium Consistorii tenens linteum in manu, à quo alius quidam cum equo remotius constitutus erat, in eum scilicet usum, ut si quis veniret & diceret: Habeo, quod dicam pro liberatione rei, movebat ille linteum, quo viso, qui equo insidebat, reum sistere gradum faciebat. Quin & ipse reus si diceret, se habere quo se purgaret, rursus ad Consistorium reducebatur, idq; quater & quinquies, modò non vanum aliquid diceret. Idco attribuerunt illi duos viros sapientes, qui in viâ observarunt verba ejus; quæ si non vana erant, reducebatur: Sin verò nihil inveniebatur, quod faceret ad ejus innocentiam, educebatur ad locum supplicii. Et prece antecedeat eum, dicens: Virille, filius istius egreditur ut plectatur tali morte, eò quod tale peccatum admiserit, illo tempore, hoc in loco; & isti sunt testes ejus. Quisquis igitur est, qui aliquid novit, quod illi bono esse potest, veniat ut indicet. Si procul abest à locolapidationis adhuc aliquot ulnis, dicitur ei: Confrere: Sic enim facere solent omnes, qui mortis supplicio afficiuntur. Quicunque enim confitetur, partem habet seculi futuri. Ita enim invenimus de Achan, quod Jehoshuah dixit ad eum: Mi fili, da queso gloriam Deo Israel, & da ei confessionem. Cui respondit Achan & dixit: Ultig pecca vi in Dominum Deum Israel, & sic atq; sic feci &c. Et ait Jehoshuah: Quia conturbasti nos, conturbabit te Dominus in die hac &c. Hoc est, hoc die tu quidem conturbaberis, non autem*

in seculo futuro. Quod si quis ignorabat rationem confitendi, dicebatur illi : Dic, sit mors mea expiatio omnium peccatorum meorum. Postquam verò confessus est, potatur vino thure confecto, in hoc, ut inderatio ejus turbetur, atque vehementius inebrietur, secundum illud, quod dicitur : Date siceram perituro & vinum eis, qui amaro sunt animo. Post illam verò potationem mortem luebat, quam commenerat. Constat quoque ex traditione, honestas matronas Hierosolymis fuisse, quæ sua sponte hoc genus vini suppeditabant. Reo quatuor cubitis à loco supplicii distanti vestes extrahebantur. Viri quoque pudenda tegebantur; mulieris verò & anteriora & posteriora. Quidam tamen ex Sapientibus dicunt, virum nudum lapidatum fuisse, non autem mulierem. Locus lapidationis altitudinem habebat duorum cubitorum, ad quem reus vinculis manibus ascendeat. Illum alter testium precipitem dabat è sublimi: ex qua præcipitatione si non fuit mortuus, elevabant testes lapidem ibidem jacentem, habentem pondus duorum hominum, quem alter testium super eum projiciebat. Quod si ne sic quidem mortuus fuit, tum demum accessit totus Israel, & lapidavit eum, juxta illud: Manus testium erit in eo primum ad occidendum eum, dein manus uni-versi populi. Quando verò puella desponsata scortata est, lapidata fuit ante fores domus patris sui, vel ad fores portæ civitatis. Omnes lapidati suspenduntur. Tametsi quidam ex Sapientibus dicunt: Blasphemum tantum & Idololatram suspensos fuisse. Vir ita suspendebatur, ut faciem haberet versus populum, mulier verò versus stipitem. Hæc Fagius, antiquitatum Judæicarum solertissimus indagator. Atque in eodem studio clarissimus LIGHTFOOT ad Marc. XII, 4. annotat, in Act. 23. à Synedrîo decreta, testes lapidem illum grandissimum jecisse in cor damnati, cum jam jaceret supinus.

Sed manum de tabula.





